

**PAULI BENII,  
EUGUBINI ... DE  
ECCLESIASTICIS  
BARONII CARDINALIS  
ANNALIBUS...**

---

Paolo Beni



PAVLI BENI EVANGELII  
 SACRAE THEOLOGICAE  
 DOCTORIS  
 DE ECCLESIASTICIS  
 BARONII CARMINIBUS  
 ANNALIBUS THEOLOGICIS  
 AD VICTORIS CLAUDII REGII  
 CROATIAE  
 IOHANNEM VINCENTIUM  
 CONSCRIPSI  
 CLEMENTI VII. PONT. MAX.  
 DAT. ROMA. 1546.



REMAE, Apud Imperatorem Conradum, H. D. 1546.  
 FACTA A SAEPTORIBUS ROTTERAMI.

3

CLEMENTI VIII.  
PONT. MAX.

Religionis ac morum propugnatori  
atque restitutori acerrimo,

PAVLVS BENIVS EVGVBINVS

Perpetuam felicitatem.



I OHANNES Vincentius Pinellus, quem ego plurimi semper feci, postulauerat à me vt sibi de Ecclesiasticis Baronij Cardinalis Annalibus aliquid perscriberem : ac sententiam meam Disputatione aliqua declararem. Vt enim summa cum approbatione illos legebat ac voluntate, oprabat (opinor) vir clarissimus, atque omni virtutum laude ornatissimus, aliorum quoque iudicium & approbationem audire, atque illorum præsertim qui in hac Urbis luce atque adeò Orbis Terræ Theatro, degerent. Natura enim comparatum est vt quod diligimus, id alijs quoque probari libentissimo animo audiamus. Ipse itaque obtemperandum mihi ratus, tantisper collegi animum à reliquis occupationibus & studijs : & aliquorum dierum scriptione meam illi opinionem ingenuè exposui ac declaravi. Cum ve-

rò ad nonnullorum manus nostra pervenisset disputatio, iamque apud aliquos mendosior cerneretur, omnino faciendum putavi, ut eam diligenter emendatam, publicis literis consignarem. id quod eò etiam libentiùs faciebã, quòd intelligerem posse me hac ratione percommode amicorum multorum qui illam à me requirerent, studijs ac voluntati satisfacere. Quanquam (ne illud reticeam P. B., quod præcipuum est & caput) tua me in primis beneficentia permouit & incitavit. Cum enim ijs ipsis diebus aliquod mihi tuæ benignitatis atque clementiæ indicium in studiorum instauratione extare voluisses, meque item optimè sperare iussisses, nihil antiquius habui, quàm ut noua hac, quantulacunque esset, lucubratione, aliquam tibi grati animi significationem darem: ac venerationem erga te meam testatiorem redderem. Nunc itaque Augustissimi nominis tui autoritate atque splendore munita & cohonestata prodit in lucem mea De ECCLESIASTICIS BARONII CARD. ANNALIBVS disputatio. In qua equidem P. B. nihil gratiæ concedam vsquam, sed veritati tribuam omnia: nihil fictè dicam & simulatè, sed ex animo cuncta ingenuèque perscribam, denique, quantum in me erit, Baronianæ historiæ nihil siue affingam, siue detraham: sed quicquid protulero, id (Deo benè iuuante, ut spero) rerum ipsarum momentis, ac rationum pondere demonstrabo & confirmabo.

Cum

Cum enim iuuenis adhuc, illud mihi proposuerim  
diligenter quæ curauerim in lucubrationibus meis,  
ut vnâ veritatem sequeretur, eamque sincerè & can-  
didè patefacere, cur obsecro iuua iam ætate, ac  
senectuti quæ à sepulchro non longè abest, proxi-  
mus, veritati quicquam anteponendum putabo?  
Quid in Philosophicis scriptionibus elaboravi sem-  
per, ut Aristotelis Platonisque decreta quæ explica-  
bam mutuoque conferebam, ex Christianæ veritatis  
præscripto castigarem, ac nostratibus Philosophis  
viâ atque rationem ostenderem unde Aristoteli-  
cæ Platoniceque Philosophiæ siue scopulis decli-  
natis, siue salebris superatis, sine vlla Religionis mo-  
rumque iactura & offensione, immò verò cum pieta-  
tis quaestu & accessione, istorum libros euoluerent;  
& quisquam erit, qui me existimet in Baronij An-  
nalibus, idest in Sacrosanctis Ecclesiæ antiquitati-  
bus & monumentis, instituti mei oblitum, cuiquam  
eblandiri ac fucos facere voluisse? Quid plura? An  
fortasse hæc ad eum scribo qui doctrinarum cogni-  
tione vulgariter imbutus sit, ac sacras imprimis an-  
tiquitates leuiter degustarit? Immo verò ad eum scri-  
bo qui Italia tota, maximè verò Patavij, hoc est in  
celeberrimo optimarum artium domicilio & quasi  
arce, excellenti doctrinæ laude floret ac celebratur:  
ad quem doctissimi viri perpetuò confluunt; cuius  
domum tanquam humanitatis, eruditionis, sapien-  
tiæ, theatrum frequentant: qui denique quadragin-  
ta iam



6  
ta iam fermè annos, libros vñdique ac totius anti-  
quitatis monumenta incredibili & studio & sum-  
ptu conquisita, diu noctuque peruolutare solet. Vt  
quemadmodum Pericles cum ad dicendum veni-  
ret, Deum enixè precabatur ne vllum sibi verbum  
excideret imprudenter; sic ego in præsentia omnino  
mihi cauendum putauerim ne temerè quicquam  
inconsiderateque proferrem; tantum abest vt veri-  
tatis studio prætermisso, auribus mihi seruiendum,  
aut gratiæ quicquam tribuendum, esse censuerim.

Sed iam ad ECCLESIASTICOS BA-  
RONII ANNALES sese conuertat oratio.  
In qua sanè, quoniam amplissimam illorum mo-  
lem sub vno aspectu positam intueri licebit, ac par-  
tium structuram, varietatē, vsum, decus tandem  
ac speciem, veluti in tabula expressam aspicere, in-  
primis verò pulcherrima Ecclesiæ effigies diuino-  
rum oraculorum luce, Apostolicarum traditionum  
splendore, & ( vt cætera taceam quæ tibi iam iam  
ex ordine occurrent omnia) martyrum sanguine il-  
lustrata ac decorata in conspectum se dabit, te, te  
inquam, appello Pater Beatissime: te pro tua pietate  
obtestor, vt honestissimo huic spectaculo interesse,  
meæque disputationi sexquihoræ tempus trans-  
mittere, ne graueris: Vale Sanctissime Pater; atque  
vt laboranti Ecclesiæ diu multumque succurras,  
etiā atque etiā vale. Datum Romæ X. Kal.  
Noëmbriis. M. D. XCVI.

PAVLI

PAULI BENII  
E V G V B I N I

DE ECCLESIASTICIS  
BARONII CARDINALIS

ANNALIBVS. DISPVATIO,

*Ad Virum Clarissimum, ac nobilitatis, doctrine, huma-  
nitatis, omni denique Virtutis laude ornatissimum,*

*Iohannem Vincenrium Pinellum.*



Arebo tandem, PINELLE OR-  
NOTISSIME, ac libentissime  
parebo. Cum enim illud me postre-  
mis literis admoncas, non te quod  
rei gravitas ac magnitudo postu-  
let; sed quod ipse aut possim, aut ve-  
lim, requirere & flagitare, haud sa-  
ne habeo: cur diutius eiusmodi o-  
mnibus refugiam: praesertim verò quia  
ad extremam, quae est animi tui benignitas ac magnitudo;  
addis, ne si currenti quidem calamo breuem ad te epistolam  
in proposito argumeto exaravero, non tam tibi acceptam  
ac periuicendam esse futuram: Non igitur tibi tanta huma-  
nitate mecum agis ac lenitate; occupationes excusabo, qui-  
bus in Philosophia publicè proutatimque interpretanda di-  
stincor: non commentandi scribendique labores causabor,  
quibus Platonis Aristotelisque decreta non explicando so-  
lum & comparando, verum etiam ad divinorum oraculo-  
rum Ecclesiaeque normam castigando, ac publicis subinde  
lite-

8. DE ECCLESIASTICIS BARONII  
 literis consignando; diu noctuque impeditur non affectam  
 etatem infirmasq; vires asseram ac penè fractas, quas eius-  
 modi oneri longè impares esse optimè sentio: non denique  
 oblatis muneris grauitatem (id enim me deterrebat in pri-  
 mis) ingenijque mei tenuitatem ac tarditatem obtendam,  
 per quæ mihi, ne volenti quidem ac diu multumq; laboran-  
 ti, pro dignitate illi satisfacere licuisset. Cum enim vel ynus  
 dici, ne dicam horæ, laborem atque operam non asperne-  
 ris, excusationi sanè ac tergiuersationi locus superest nul-  
 lus. Age igitur Pinelle candidissimè, atque ECCLE-  
 SIASTICOS BARONII CARDINALIS  
 ANNALES quos tanta approbatione ac voluntate lé-  
 gere soles, tibi ante animum iam iam proponito: mihi-  
 que (quoniam sic iubes) quid de illis sentiam candidè ingenueq;  
 perscribenti, vacuas aures interim mentemque præbeto.

DE  
 BARONII  
 ANNALIBVS  
 quinque parti-  
 ta proponitur  
 disputatio.

Ergo BARONII ANNALES, siue materiam scri-  
 ptioni subiectam perpendas ac reputes, siue personam æsti-  
 mes à qua conscribuntur, siue locum vnde in lucem pro-  
 deunt, ac tempora in quæ incidunt, obserues & spectes, siue  
 denique scriptionis ipsius rationem habeas, (rationem cum  
 dico, qua veritate & perspicuitate, qua prudentia, qua pie-  
 tate, qua eruditione, quo rerum omnium studio & cogni-  
 tione, quo denique ordine ac stylo, scripti sint, requiro) Nihil  
 sanè mihi videri solent, quibus nihil vtilius & optabilius  
 in Reipublicæ Christianæ præsidium & ornamentum posset  
 à Catholico viro elaborari. Vt mihi quidem non tam hu-  
 mano consilio atque industria conscripti; (quanquam hanc  
 etiam libentissimè agnosco) quàm diuina nobis beneficia  
 & largitate concessi, videantur. Mirabitur hoc fortasse  
 quispiam, qui vel non eos legerit: vel si legerit, non ea quæ  
 decuit cura & attentione, illos expendere. Quapropter,  
 vt de re tota planius constet, lubet eam vberius prosequi:  
 idque hinc ducto initio.

PRIMA PARS  
 In qua ex mate-  
 ria subiecta æsti-  
 mantur: ne tam-  
 me paulò altius  
 repetita.

Qua ratione  
 Christianæ præ-

Fuit olim tempus, tametsi perbreue illud quidem & an-  
 gustum,



gustum, cum in Dei Ecclesia Christianæ præceptiones atque doctrinæ non siccatis eloquentiæ ornamentis, aut spinosis Dialecticorum, Physicorumque argumentis & contentionibus, sed simplici, ingenua, quæque à curiositate longius abesset, oratione traderentur. Declarant hoc cándida Euangelicæ doctrinæ ac veritatis monumenta: declarant Petri, Iacobi, Stephani, Epistolæ & Conciones, ac reliquorum denique Apostolorum scriptiones. Inter quos Paulus, si quando concertationes instituere coactus est, non persuasibilibus humanæ sapientiæ argumentis egit, sed ex diuinis literis rationes duxit. Ac sapienter quidem & planè diuinè. Cum enim fidelibus, quippe Dei verbo renatis, nihil antiquius, nihil sanctius, nihil augustius, dicam planius, nihil ad benè beateque viuendum vtilius, contingere posset quàm diuinis verbis atque adeò præceptis inherere, superuacaneum sanè fuisset, siue ad Platonis Aristotelisque spatia diuertere: siue ex Stoicorum aliorumque Philosophorum fontibus haurire. Denique nostra institutio ac doctrina de porticu Salomonis est, non de Gymnasijs Philosophorum: nec Philosophica curiositate aut humano sensu, sed Christiana simplicitate ac diuino spiritu, comparatur. Verùm enim vero, cum breui excessissent foelicissima illa tempora, quibus erat credentium cor vnum, & anima vna, liquido hoc & puro sapientiæ genere, & à profanis concertationibus quantiremotissimo, diu frui non licuit: quin etiam, cum sacrosancta Euangelij promulgatio, vnde personare coeperat vniuersus Terrarum Orbis, Philosophos plurimos percussisset, ac Græcos præsertim exulcerasset, factum est sanè vti ad Apostolicas doctrinās tanquam ad patrium incendiū, restinguendas, Christianumque nomen, quasi humanæ societati exitiale, delendum, confluxerint, ac veluti signo dato, coierint omnes & conspirarint. Quid plura? In Euangelium exardescientes, pro suo quique studio & instituto omnes eloquentiæ vires ac nervos in Christianos in-

cepta traderetur statim ab nascētis Ecclesie temporibus.

## 10 DE ECCLESIASTICIS BARONII

tendunt: hos Philosophicis disputationibus aculeatisque sophismatis laceffunt: hos theatralibus conuicijs, maledictisque diuexant: hos domum, quasi humana: diuinamque omnia violarent. Terra Marique infestantur ac persequuntur. Hinc factum est, vt cum Christi Athletæ nefarijs hisce hostibus fortiter resistendum, ac, ne sacra profanis, cœlestia terrenis, diuina humanis conculearent isti, quemadmodum sanguine ita disputationibus obtinendum putassent, ad profanas quoque doctrinas (quod & Paulus interdum foelicissimis auspicijs aggreffus erat inter Apostolos) diuerterint: nec diuerefipx solam, sed etiam Philosophos ipsos, vt proprijs illis armis expugnant, mira p dextérité conuorsent. Cum enim agendum in primis esset cum idololatrijs, apud quos diuina oracula nullo in pretio essent, sed Philosophia vel lina vel maxime estimaretur: cumque in humanis quoque disciplinis non exigebas veritatis scintillas deliterescere, atque adeo Christiana veritatis semina & incitua quædam latere animaduertissent, quid ni hæc arma protinus arriperent, vt sceleratissimos aduersarios omnis impedirent ac frangerent? Hinc igitur tum ad Christianæ Religionis innocentiam tuendam & sanctitatem, tum ad superstitiosam idololatriæ repellendam impuritatem, contulere sese Clemens Romanus, Ignatius, Quadratus, Aristides, qui omnes Apostolorum tempore floruerunt, Hegesippus deinde, Iustinus, Clemens Alexandrinus, alijque plurimi quos posteriora tempora exceperunt. Verum (proh scelus) dum hos inuadunt hostes, & in fugam iam iam conuertunt, ecce tibi Cherinthi, Carpocrates, Marciones, Basilides, Valentini, Nouati, ac sexcenti alij Catholica fidei desertores ac transfuge, clam cum nostris hostibus conspirantes, pugnam aduersus fideles instaurarunt, atque adeo bellum acerbissimum commouerunt. Siquidem cum Diaboli machinas in nos torserunt omnes, tum maxime Philosophorum decreta profanasque doctrinas, quasi faces ac te-

la,

Qua traderentur progressu temporis cum idololatriæ Philosophi Euangelium, hæretici Catholicam fidem, infestarentur.

Idololatriæ decursu temporis per fideles fugatis, hæreticos adhuc acriter restitisse.

# IN CARDINALIS ANNADIBVS. 11

la, ad Catholicam veritatem prosternendam conuerterunt.  
 Inter quos eo infamiae prouentu sunt aliqui, ut vnus Aristote-  
 lis Categorijs (pudet in hoc facinus commemorare: quod etiam  
 aliquibus fortasse videbitur incredibile: sed quoniam a san-  
 ctissimis summaeque auctoritatis viris et scribitur, et com-  
 morabo tandem) vnus inquam Aristotelis Categorijs, vnus  
 de litigiosis concertationes componebat, epistolaeque per  
 uulgabant; nixi; filij diuinitatem eleuare, ac Spiritum san-  
 ctum inter creaturas referre, non dubitarent: libidini quo-  
 que vitijsque turpissimis nullam poenam, continentiae, pie-  
 tati, ceterisque virtutibus nullum premium, deberi affirma-  
 rent. Haec inquam atque alia id genus plenissima turpitu-  
 dinis decreta, quae enumerare longum esset, ac permole-  
 stum, in Aristotelis Philosophorumque officinis constarent  
 aduersus Catholicam veritatem. Hinc vir Sanctissimus, qui  
 ob excellentem rerum diuinarum cognitionem Theologi  
 nomen adeptus est, Gregorius, in huiusmodi fallacias in-  
 tuens, Fuit quondam tempus (inquit et) cum res nostrae flo-  
 rescerent, ac praeclare omnino se haberent: cum nimirum su-  
 perflua haec & fucata tractanda Philosophiae ratio, ad diui-  
 nas causas ne aditum quidem haberet, immo verò quod est  
 calculis celeritate inuersionis aspectum fallentibus ludere,  
 & varijs lasciujsque corporis flexibus spectatores ludificari,  
 idem ferme erat noui aliquid, & curiosi de Deo dicere: vel  
 audire. Contra verò simplex ingenuaque oratio atque do-  
 ctрина, pietas existimabatur. At postquam Sexti & Pyr-  
 rhones & contradicendi libidine incitati lingua, velut gra-  
 uis quidam & malignus morbus, in Ecclesias nostras intor-  
 liciter irrepserunt, o quis Hieremias confusionem nostram  
 caliginemque deplorabit; qui solus nouit calamitates qua-  
 rum mentationibus exaquare? Sed Tertullianum si placet, quae  
 distamus, et qui cum sum adhuc vteretur, & ingenio & stylo;  
 in Philosophicis Hermogenis similibusque Aetereorum  
 doctrinas tanquam in funestissimam Religionis pestem &

† Vid. in  
 rem. 3.  
 3. p. 698.

† Orat. in  
 laudem A-  
 thanasii.

† Ibid. de  
 doctr. 1.  
 1. p. 1. 1.  
 1. p. 1. 1.  
 1. p. 1. 1.  
 1. p. 1. 1.

† Ibid. de  
 doctr. 1.  
 1. p. 1. 1.

† Ibid. de  
 doctr. 1.  
 1. p. 1. 1.  
 1. p. 1. 1.  
 1. p. 1. 1.



## 12 DE ECCLESIASTICIS BARONII

corruptelam; sic clamabat. Hæ sunt doctrinæ hominum & Dæmoniorum, prurientibus auribus natæ de ingenio sapientię secularis: quam Dominus stultitiam vocans, stultia Mundi in confusionem etiam Philosophię ipsius elegit. Ea est enim materia sapientię secularis temeraria interpretis diuinę naturę & dispositionis: ipsę denique hæreses à Philosophia subornantur. Inde AEones & formę nescio quę, & trinitas hominis apud Valentinum: Platonius fuerat, Inde Marcionis Deus melior de tranquillitate: à Stoicis venerat: & ut anima interire dicatur, Epicurus observatur: & ut carnis resurrectio negetur, de vna omnium Philosophorum schola sumitur, & ubi materia cum Deo æquatur, Zenonis disciplina est: & ubi aliquid de igneo Deo allegatur, Heraclitus interuenit. Eadem materię apud hæreticos & Philosophos volutatur: iidem retractatus implicantur. Hæc Tertullianus: quę subinde egregijs illis vocibus claudit. Quid ergo Athenis cum Hierosolymis? Quid Academię & Ecclesię? Quid hæreticis & Christianis? Nostra institutio de porticu Salomonis est, qui & ipse tradiderat Dominum in simplicitate cordis esse querendum. Viderint, qui Stoicum & Platicum & Dialecticum, Christianissimum protulerunt. Iam verò Chrysostomus † in istorum doctrinas hæreticorum, qui Philosophia in Ecclesiam grassarentur, exarscens, eorum verba cum Euripidis opinionibus cum sepulchris, confert: eosdem hæreses ex Philosophia deriuasse, nec tam sapientię, quàm idololatrię ac superstitutioni studuisse, affirmat. Atque ob id etiam, cum videret hæreticos Aristotelica doctos, in filij ac Spiritus sancti diuinitatem irrupisse, Perijt (inquit) Veritas, ab impijs prostrata: & Aristotelica doctrina grassata est, ac rursus Apostolum appellans, Indignare (inquit) pro fide ac plenus indignationis, dic Hæreticis. Vnde nam Aristotelea docti estis? Sic Chrysostomus. Quid verò Lucifer Calaritani † Episcopus atque Arianorum oppugnator acerrimus?

nonne

† Vide Ho-  
mi. 7. in ep.  
ad Cor. ho-  
mil. 65. in  
ho. Cr. hom.  
4. in epist.  
ad Rom.  
† In illud  
† prin. erat  
err.  
† In l. eni  
tit. maxime  
dum pro so-  
lio Deo



nonne Constantio eiusdemque sectatoribus similem planē  
 † Vide Ba- calliditatem exprobrauit? Nec profecto dissimili ardore in  
 von. Tom. 3. huiusmodi doctrinas hæreticorum, inuēctus est † Iulius Pri-  
 † Iv. l. 1. ad mus: qui cum summus esset Ecclesiæ Antistes, pro illo quo  
 uer. her. c. debuit studio, Arianis ac cæteris eiusmodi veteratoribus,  
 24. & l. 2. c. 19. grauitè orationis fucos ac fallacias obiecit. Idem præstite-  
 † Hic in c. runt Sanctissimi viri † Irenæus, Hieronymus, † Augusti-  
 4. ep. ad E- nus atque alij multi qui proditores istos Aegyptiacas velu-  
 † Hic et ali- ti plagas inter fideles irrepsisse, Dæmonem Magistrum ha-  
 bi. buisse, zizanias suis artibus in Ecclesiæ campum inuexisse,  
 † An. epist. 131. l. 3. de atque id genus multa obijciunt. Vt propterea iure cecine-  
 Cmo. c. 6. et rit † Prudentius.  
 alibi.  
 † Hym. in  
 inf.

*Quid non libido mentis humane fruatur?*

*Quid non malorum pruriat?*

*Statum laceffunt omnipotentis Dei*

*Calumniosis litibus.*

*Fidem minutis dissecant ambagibus;*

*Vt quisque lingua est nequior.*

*Soluunt ligantque. quæstionum Vincula*

*Per Syllogismos plectiles.*

*Veh captiosis Sycophantarum strophis*

*Veh versipelli astutiae*

*Nodos renaces recta rumpit regula*

*Insesta disertantibus.*

*Idcirco Mundi stulta delegit Deus.*

*Vt concidant sophistica.*

*Deque imbecillis subiungit sortia;*

*Simplex ut esset credere.*

Hi Patrum clamores in hæreticos Philosophos: hæ quæ-  
 relæ & indignationes. quibus sanè, e: si multum profecerūt;

#### 14 DE ECCLESIASTICIS BARONII

non tamen aut resistenter poenitus illorum rabiem : aut  
dolos omnes præstigiasque compresserunt . Siquidem Pla-  
tonicis ac Stoicis vel labefactatis ac propè fractis, vel certè,  
quoniam vtiliter legi atque vsurpari poterant, non cum hæ-  
reticis peruersè ac lubdolè, sed saniore iudicio expositis,  
atque ad bonam frugem reuocatis, (id enim non dicam à  
Philone & Eusebio, sed à Clemente Alexandrino & Iusti-  
no, in primis verò à Theodoro to, Augustino, alijsque subin-  
de multis, perfectum est) ad Aristotelis latebras confuge-  
runt illi: vbi novos dolos & machinas commoliti, nouis fal-  
lacijs atque artibus instructi, toti denique ad decipiendum  
compositi, Ecclesiam perditè oppugnarunt: Quid multa?  
Idololatris paulò post ab istorum locietate exturbatis, ac  
nostro hoc terrarum orbe fugatis vndique & victis; ipsi vni  
Aristotelis armis præfidentes vel maximè, per multa nobis  
secula calamitosum bellum, non sine magno Catholicæ  
Reipublicæ malo ac fidelium luctu, intulerunt. Etsi enim  
Aristotelis quoque Philosophia haberet per multa quæ  
cum Christianis decretis consentirent; ac summatim fideli-  
bus (si tamen rectè illa, ac debita cautione adhibita, vte-  
rentur) magno vsui esse posset; hæretici tamen per summam  
improbritatem & impietatem suis illam erroribus impostu-  
risque tuendis, & incautis decipiendis, vsurpabant ac refere-  
bant totam. Cum enim eò processisset eorum temeritas, vt  
per speciem pietatis, Apostolorum, Christi que ipsius & di-  
cta & facta suæ patrocinium impietatis effecissent: quæque  
essent integerrimæ sanctissimæque vitæ norma, ac regum  
salutis iter ostenderent, illis ipsis pulcherrimam Christi  
sponsam contaminatissimis, sæpè etiam ferinis, moribus  
imbuere, atque adeò super carbones denigrare, niterentur;  
quid mirum si Aristotelis dogmata, ingeniosa illa quidem &  
scita, sed abstrusa tamen & ambigua, plerumque etiam lubri-  
ca & fallibrosa, præposere vsurparent, atque in deteriorem  
partem conuerterent? Hinc, etsi optassent Patres vt longè  
facile-

facefferent isti cum suo Aristotele, præsertim verò quia diuina mysteria humanas rationes Naturamque ipsam pleraque superarent, ac summam non humanis argumentis & persuasionibus, sed fide (hæc enim est, sperandarum rerum substantia) Deique virtute præparentur. Christiana pectora, (propterea enim nos hortabatur Apostolus ad animos in obsequium fidei mancipandos) veruntamen, cum de sua procacitate, nihil remitterent illi, ecce tibi, fauente Deo, Scholastici Theologi extiterunt tandem, qui & ipsi ad Peripatetica spacia diuercentes, Aristotelica tela hæreticorum furori subtraxerunt: atque à iugulis nostris depulsa, in eorum viscera conuerterunt. Cum enim iandiu augustissimus Ecclesiæ propugnator Augustinus eò veluti digitum intendisset, vnde arte ac via, hoc est subtiliter & Aristoteleo ferè more ac modo, Theologica decreta differere liceret, atque hæreticorum conatus frangere, omnino decreuerunt Patres isti hanc quodque viam arripere, & cum procacissimis hostibus in ipsomet Peripateticorum campo, Aristotelicis armis, configere & decertare. Inter quos B. Thomas, cui caue quenquam (nisi forte Augustinum) vel ingenij magnitudinem vel sapientiæ laude anteponas; eò rem adduxit, ut hostes tandem Peripato derelicto, armis ipsis turpiter abiectis, vna sibi fuga consulendum putarint. Etsi enim ab initio à multis anceps censeretur pugna, aliqui etiam, quasi Aristotelica decreta à Christiana veritate plurimum dissentirent, periculorum plenissimam esse arbitrantur, ille tamen quæ de rebus diuinis ab Aristotele conscripta essent, contemplatiuæ Theologiæ, quæ de moribus, morali, accommodans; denique Aristotelicæ omnia siue ad Christiana Catholicaque dogmata confirmanda contrariaque refellenda, siue ad Theologicas præceptiones explicatè riteque tradendas, ac certo constantique ordine disponendas, admirabili ac propè diuina dexteritate referens, Aristotelicam Philosophiam tanquam acutissimum telum, sed à furiosis hostibus occupa-

hæretici, quæque a Scholasticis Theologis fugantur.

hæretici, quæque a Scholasticis Theologis fugantur.



# 16 DE ECCLESIASTICIS BARONII

occupatum, ex hæreticorum manibus extorsit: nequē extorsit solum, verum etiam eodem nos ad truculentos hostes confodiendos, Christianæque religionis arcem tuendam, magna cum piorum hominum gratulatione, spe etiam maiore, armavit.

*Idem hæretici bellum instaurant, atque illud acerbissimum.*

Verum, ò breuem spem, ò volucrem gratulationem: quàm citò ista omnia ex lætitia & voluptate ad mœrorem & lacryinas reciderunt? Dum enim huius doctrinæ ac viæ cultores sectatoresque siue nimij sunt in ea terenda & persequenda, siue non necessario tempore sed alieno illam terunt & persequuntur, siue curiosè admodum ac minutè, ne dicam ad nauseam, confectantur & rimantur omnia, ac sæpè etiam nodum in scyrpo quærunt, siue arreptam semel opinionem & sectam ardentioribus studiis mordicusque tuentur, proh dolor, tum sese, posthabitis hostibus, mutuò lacessunt, atque intestinis discordijs conficiunt: tum (quod longiùs deplorandum est) cætera Christianæ doctrinæ præsidia ac veluti arcès à quibus ne latum quidem vnguem recedere oportuit, negligunt & desertas esse patiuntur. Sed quid dico negligunt? quid desertas esse patiuntur? immo verò hostium incursionibus furorique obuias relinquunt; qui statim etiam earum dominatu ac tyrannide potiuntur.

*Rem eò tandem adductam esse ut ad hæreticos prosigandos duo maxime optarentur in Ecclesia.*

Etenim dum Scholastici Theologi suis illi studiis & concertationibus delectati, multa etiam confectantur quæ sine periculo ignorari, sæpè etiam honesta cum laude prætermitti, possunt, nescio quo casu, sed duro illo tamen & peracerbo; deserunt Hebraicæ Græcæque linguæ studia: plerique etiam tum pauca ex diuinis degustant oraculis: tum Apostolicas traditiones ac sanctorum Patrum lucubrationes prætereuntes aspiciunt ac per transennam: denique, exceptis paucis, sacrosancta Conciliorum acta, Pontificum decreta, Ecclesiæque antiquitates & monumenta, ne primoribus quidem labris attingunt. Hæc itaque castra, hæc præsidia, hanc arcem, occupant illi, à quibus nos digressos vident:



vident: hic noua conſtant arma: hic robuſtas excitant machinas. Ita demum, cum Philoſophicis telis, præcipuè verò Ariſtoteleiſ, ſpoliati, quin etiam proſtigati ac proſtrati, viderentur, pugnam renouant omnium periculoſiſſimam & acerbifiſſimam. Hebraicè nanque & Græcè docti, vtriuſque ſœderis oracula pro libidine ſœdant iſti: Apoſtolorum traditiones ac ritus improbant quos veluti per manus traditos, religioſiſſimè ſemper coluerunt Maiôres noſtri: Pontificum decreta Eccleſiaſticaſque ſanctiônes labefactant: cætera denique omnia quæ fidelibus inſtituendis fortiſſimi Chriſti Athletæ & Proceres egregiè ſiue geſſerunt ſiue ſcripſerunt, peruertunt: ſimulque, vt in omnibus erant ad mendiandum decipiendumque parati, ſuis illa erroribus confirmandis, fidelibusque circumueniendis, conuertunt ac referunt. Qua ſanè calamitate quæ grauior atque funeſtior contingere nobis potuerit, non ſatis video. Etenim lugendum quidem fuit ſceleſtos iſtos Satanæ adminiſtros ſanctiſſimas Chriſti aras ac templa igni ferroque vaſtaſſe: deplorandum fortiſſimorum martyrum reliquias profuſiſſe: indolendum nouis in dies calumnijs atque impoſturis Catholicos exagitaſſe, indeque ſimpliciores ad defectionem ſolicitaſſe: ſed ſacroſancta fidei noſtræ volumina ſœdari, Apoſtolorum traditiones Eccleſiæque ſanctiônes peruerſi, denique antiquitates ac monumenta omnia proteri & conculcari, immo verò ad omnem libidinem impietatemque traduci, perpetuis lacrymis ingemiſcendum fuit ac deplorandum.

In has itaque calamitates non ſine intimo doloris ſenſu tum pijs omnes intuebantur, tum is maximè cui diuinitus interim Petri authoritas atque Eccleſiæ gubernacula committerentur. Et ſanè duo inprimis erant neceſſaria ad huiusmodi hæreticorum rabiem furoremque comprimentum: atque ad impuriſſima illis ora obſtruenda. Vnum vt vera Germanaque diuinarum literarum oracula, hæreticorum interpretationibus impoſturisque reiectis, illibata

## 18 DE ECCLESIASTICIS BARONII

prorsus inuiolataque seruarentur: vel certè ad pristinum candorem, quoad eius fieri posset, integritatemque restituerentur: idque ea ratione ac lege, vt cum suis Hebraicis Græcisque codicibus honos existeret, tum Latini, quibus (quantum assequi coniectura valeo) magna ex parte statim ferè ab ipsis Apostolorum temporibus, vti cœpit Ecclesia, augustissimi ac sacrosancti toto terrarum orbe haberentur. Alterum vt història ab Ecclesiæ incunabulis, hoc est ab ipso Liberatoris nostri aduentu, ad hæc vsque tempora, conderetur, qua tum Christi & Apostolorum, tum Petri reliquorumque summorum Pontificum, Traditiones, Concilia, Canones, immo verò, quantum iniuria temporum pateretur, Martyrum, sanctissimorumque Ecclesiæ Antistitum ac Procerum, facta dictaque omnia perpetuæ memoriæ traderentur: atque in conspectu fidelium, certo annorum ordine, perspicuoque stylo, sed inprimis Christiana fidelitate & integritate, digesta, tanquam in publico hominum theatro collocarentur. Ita enim facile deinde erat quos tètèrrimi ardeliones fecissent nobis fucos, quicquid simplicioribus imposuissent, quæ denique incommoda Ecclesiæ importassent, detegere & propulsare. Ac primum quidem, Deo bene iuuante, summa cum Reipublicæ Christianæ utilitate curatum elaboratumque est. Etenim sacrosanctis antiqui fœderis codicibus Græcè prius quàm fieri emendatissimè potuit, editis, (id enim quisque sentiet qui Vetus Testamentum Sixti V. autoritate ad antiquissima optimaque exemplaria castigatum, maximè verò ex Vaticano expressum atque editum, cum reliquis editionibus contulerit: si tamen cum cæteræ editiones iam mendis scaterent innumeris, hæc ad priscum nitorem ac decus proximè accedat, dignæ sunt qua cum Vaticana vllò modo conferantur) fœlicissimis hisce auspicijs & cœptis, ad latinum protinus ventum est, qui sanè post ingentes labores à viris sacrarum doctrinarum laude ornatissimis exantlatos, tandem

Primum Clemente VIII. ad Summum Sacerdotium electo, statim perfectum esse.

tandem sub CLEMENTE VIII. PONT. MAX. usque adeò repurgati prodire, vt vel ad pristinum decus omnino accedant, vel certè omnium qui prodierunt in lucem, emendatissimi sint. Ita demum quemadmodum dubitare nullo modo licet quæ sit vera ac Germana, siue Græca septuaginta interpretum, siue Latina, quæ Vulgata ac vetus dici solet, editio; ita quicquid demum hæretici veteratores siue Græcis siue Latinis codicibus deprauatis, machinati sunt aduersus Catholicam veritatem, detegatur & concidat necesse est. Hoc inquam primum est, quod ad hæreticorum conatus rabiemque compescendam, diu multumque a fidelibus optatum, a Tridentinis verò patribus non optatum modò, sed vt quam diligentissimè præstaretur, decretum, hoc ipso tempore perfectum est, quo CLEMENS VIII. singulari Dei beneficio atque clementia, ingenti etiam bonorum omnium gratulatione, Ecclesiæque splendore, ad Petri sedem euectus, Christi gregem custodit ac moderatur. Qui sanè si aliquando à perpetuis occupationibus respirauerit & curis, quibus inter Ecclesiæ iactationes ac Principum bella, sed inprimis inter perfidissimos Turcharum conatus, intimis sensibus pro sua pietate affligatur & premitur, haud fore dubito, quin viris linguarum ac doctrinarum cognitione florentibus accersitis vndique, enixè in eam curam incumbat, vt tum sacrosancti Hebraici foederis libri summo studio excussi & examinati, quam maximè per iniurias temporum liceat, castigatissimi edantur: tum, si quis forte aut in Græcis aut in Latinis libris supersit locus, qui nouis studijs adhibitis, illustrari atque ad pristinum decus magis ac magis reuocari possit, id verò accuratissimè elaboretur. Hæc de primo, quod ad hæreticos prosiliandos desiderabatur in Ecclesia.

Venio ad alterum: quod sanè summa Dei benignitate ipsdem hisce temporibus à BARONIO, quem non ita pridem à CLEMENTE VIII. in sacrum Cardina-

Alterum à Baronio nunc strenuè virgeri & absolui.



20 DE ECCLESIASTICIS BARONII

lium Senatum incredibili VRBIS atque adeò Christiani  
 terrarum ORBIS, lætitia cooptatum cernimus; inchoa-  
 tum, & iam iam penè absolutum, perfectumque videmus.  
 Etsi enim Author, dum eiusmodi studia aggredieretur,  
 vix ac ne vix quidem cogitaret. de arduo ac nobili opere  
 exantlando, vnde Christi Apostolorumque Traditiones,  
 summorumque Pontificum & Conciliorum decreta ac  
 præceptiones, ab hæreticorum furore vindicarentur: non  
 eò cogitationem intenderet, vt sanctorum Patrum monu-  
 menta, ac res ab Ecclesiæ Athletis & Proceribus strenuè  
 sapienterque gestas, veluti in theatrum referret: non de-  
 nique pulcherrimam Catholicæ Ecclesiæ faciem, quæ in-  
 quam fucatis coloribus adulterinisque ornamentis reiectis,  
 natiuum atque domesticum nitorem propriamque digni-  
 tatem ac decus referret, sibi exprimendam proponeret,  
 (quis enim mortalium tantum sibi arrogasset vnquam?)  
 diuino tamen fauente spiritu eò tandem res adducta est,  
 vt tale tantumque opus, hoc est augustum & sanctum, iam  
 propè absolutum, atque in clarissima luce omniumque  
 conspectu collocatum, intueamur. Vt cum admirabile hoc  
 opus statim atque CLEMENS in PETRI sede est  
 collocatus, mirificè crescere, atque ad fastigia sese attolere  
 cœperit, satis appareat BARONIVM à Deo electum  
 fuisse, per quem idem Ecclesiæ Princeps ac Pastor CLE-  
 MENS nouam hanc arcem firmissimumque propugna-  
 culum aduersus Catholicæ fidei hostes erigeret. Cum enim  
 videamus latinam diuinorum oraculorum editionem, etsi  
 iandiu inchoatam, ac Pontificibus summis vrgentibus, na-  
 uiter egregieque prouectam, nisi sub CLEMENTE  
 VIII. omni ex parte absolutam non prodixisset: Ecclesia-  
 sticam verò Baronij historiam, quamvis & ipsa strenuè vr-  
 geretur antea, non sine eodem CLEMENTE incre-  
 menta suscepisse, ac veluti ad maturitatem aspirasse, quis  
 non faciliè in eam sententiam adducatur, vt vtrunque hoc  
 opus



opus CLEMENTI diuinitus reſeruatũ fuiſſe credat.  
Ego ſanè dum egregium CLEMENTIS ſtudio ſingularẽque charitatem intueor erga Dominicũ gregẽ,  
& quos pro illo ſuſtineat labores, quã agat vigilias, quot profundat lacrymas, quos ex illius afflictatione hauriat dolores, audio, facilè mihi perſuadeo, hæc illi ſolatia ex optatiſſimis hiſce lucubrationibus à Patre luminum ſuppeditati: vt qui ſeminat non ſine ſctu, manipulos referat cum exultatione.

Sed ad Baronij hiftoriam redeo: de qua illud mihi audire videor differentem aliquẽ, atque his propè verbis dubitantem. Si iurè ac meritò dicitur Baronij Hiftoriam iſthæ præſtare omnia; æquum ſanè eſt vt illam Eccleſiæ Arcẽ ac propugnaculum reputemus: quin etiam Panoplia, Antemurale, Turris etiam vnde mille pendent clypei, appellanda, ſummisq; præconijs & laudibus, toto Chriſtiano orbe, omnium ore ac prædicatione, celebranda erit. At enim, quid ſi quis id demonſtrari, ac diſtinctè etiam perſpicueque demonſtrari cupiat; nec antea admirabili huic rei fidem ſibi adiungendam eſſe putet, quàm ex hiftoria ipſa de re tanta penitus doceatur? Ergo id planè ſuperẽſt vt demonſtrem & patefaciam: quod libenti etiam alacrique animo iam iam aggrediar. Spero enim fore vt non ſolum luculenter id intelligant æqui rerum æſtimatores, aut etiam, velint nolint; fateantur inuidi, (tametiſi iam inuidiam fortæſſe omnẽ Baronij vincit hiftoria) verũ etiam docti omnes animaduertant, hinc Chriſtianum Theologum multis magnisq; doctrinæ præſidijs atque ornamentis inſtrui, quibus paſſim carebat antea: immo verò ex mira quadam inopia & egeſtate ad ampliſſimas cõpias, ex anguſtijs & dumetis ad ſummam amplitudinẽ vbertatemque, traduci.

Sed rem, ſi placet, aggrediamur. Ac primũ quidem iſthæ à Baronio foeliciter omnino fuiſſe explicata, inde

Demonſtratur  
id totum: ac  
prius in vni-  
uerſum.

vni-

## 22 DE ECCLESIASTICIS BARONII

vniuersim ostendi posset, quòd cum apertissimis quæque  
 ab aduersarijs nullo modo eleuari aut declinari possint, ar-  
 gumentis demonstraerit, Romanum Pontificem totius  
 Militantis Ecclesiæ Moderatorem & Principem esse, ac  
 Petro suffectum, Christi vicem in Terris gerere; eodem  
 quoque tempore sine vlla dubitatione demonstrauit quic-  
 quid siue de verbo Dei, siue de vera Ecclesia, siue de Apo-  
 stolorum Traditionibus deque Conciliorum & Canonum  
 autoritate, docuerit ac sanxerit Romanus Pontifex, id sar-  
 tum et ædum acratum habendum esse. Quis enim, nisi per  
 summam aut dementiam aut perfidiam, non statim ijs ac-  
 quiescat, ac toto animo assentiat, quæ didicerit ab eo de-  
 clarata esse & definita qui vicarias Christi partes in terris  
 gerat? quis non eum in fidei mysterijs Catholicaque veri-  
 tate perdiscenda Doctorem sibi ac Magistrum diuinitus tri-  
 butum esse sentiat, quem animaduernerit à Christo Cœli  
 viæ fidelibus aperiendæ ac demonstrandæ (quid enim est  
 aliud Claues Cœlorum à Christo accepisse?) Ecclesiæ sum-  
 ma cum autoritate ac potestate præfectum esse? Nam si  
 quis nondum satis animaduernerit quàm certis perspicuis-  
 que argumentis docuerit Baronius Romanum Pontificem  
 Petro suffectum esse, ita vt ei diuinitus autoritate collata,  
 in fidei controuersijs dirimendis, & Catholica veritate sta-  
 tuenda, Christi vicem gerat in terris, hic sanè Baronium ne  
 extremis quidem digitis attigerit necesse est. Verissimè  
 enim dici potest, hoc, vt est Christianæ veritatis fundamen-  
 tum maximum, atque adeò Catholicæ fidei firmamentum,  
 vsque adeò accuratè, perspicuè, exaggeratè, copiosè, fuisse  
 à Baronio expositum, vt nihil supra. Quapropter qui id  
 nondum assecuti sunt, legant obsecro quæ in primo vo-  
 lumine disserit Author tum de Petri autoritate ac Princi-  
 patu; tum de Pontificum successione: expendant quæ in se-  
 cundo fusè nec vno in loco, scribit de Romano Pontifice:  
 animaduertant quibus subinde hæc ipsa doceat atque con-  
 firmet

firmet in reliquis voluminibusque intelligent decretum  
hoc maximum meridiana luce clarius apud eum enitere.  
Ego certe, etsi non inficior alios quosdam in hac re decla-  
randa utiliter & magna cum laude versatos esse; atque ad-  
uersarios doctè subtiliterque reiecisse; veruntamen, qui  
cum Baronio hac in re conferri possit, non inuenio: vsque  
adeo, illum dum perlego, audire mihi videor hoc diuinas  
litteras apud illum discretissime docere: hoc rerum gestarum  
ac totius Ecclesiasticæ antiquitatis monumenta testari: hoc  
martyrum sanguinem, ossa, cineres, sepulcra denique ac  
lapides, clamare, edicere, predicare. Sed mitto ista. etsi  
enim ea sunt quæ luculenter efficiunt quod volumus, lubet  
tamen rem totam distinctè prosequi, ac sigillatim ea om-  
nia ostendere & demonstrare, quæ de Apostolorum Tradi-  
tionibus, Ecclesiæque sanctionibus, atque huiusmodi alijs,  
iam sæpè diximus. *multa ratione, alio modo, etc.*  
Agi dum igitur, atque ab Apostolorum Traditioni-  
bus ordiamur. Porro Baronius, cum semel ex magno  
illo acerrimoque Catholice fidei propugnatore, ac pro-  
pagatore planè regio, ex Basilio inquam, nos de Tradi-  
tionum vsu admonuisset, docuissetque Apostolos & Pa-  
tres mysteriorum authoritatem & sanctitatem sacro etiam  
silentio custodiendam ratos, arcanam quoque doctrinam  
in Ecclesia esse voluisse, ecce tibi non multo post nobilem  
de Traditionibus disputationem instituit. Vbi sane cum il-  
las & diuinarum litterarum authoritate, & Patrum testifica-  
tionibus vel ab ipso nascentis Ecclesiæ initio repitis, egre-  
giè confirmasset, hoc iuris genus tum apud optimè instru-  
tas Resp., tum verò apud Hebræos, hoc est in Dei populo,  
viguiffe docuit. Quid plura? quicquid de antiquitate illa-  
rum & varietate, quicquid de præstantia & authoritate, dici  
poterat, quicquid ad eas cum scripto iure diuinis que libris  
conferendas, quicquid ad legitimas ab adulterinis discer-  
nendas, pertinebat, id totum doctissime & copiosissime ex-

Iam idem de-  
monstratur si-  
gillarim: idque  
re ad quinque  
capita reuoca-  
ta.

Primum in quo  
ostenditur quàm  
egregiè Baro-  
nius defende-  
rit & illustrat  
Apostolorum  
traditiones ac  
ritus Ecclesi-  
sticos.

ni multum  
venerabilis ob  
venerabilis  
venerabilis  
venerabilis  
venerabilis



## 24 DE ECCLESIASTICIS BARONII

planauit. Quanquam neque his finibus, et si per amplius, Traditionum cohibuit tractationem. cum enim isthæc omnia de illis docuisset in vniuersum, mirum est quàm excellenter in sequentibus libris eadem confirmarit: quàm scitè ac strenuè aduersariorum dementiam temeritatemque frègerit: quàm appositè demum & opportunè Traditiones singulas vel ab earum origine repetitas explicarit. Ità factum est vt cum ab initio docere cœpisset, Ecclesiæ ritus ex Traditionibus fermè omnes duxisse ortum, enucleatè deinde in reliquis voluminibus pro re nata ritus quoque ipsos accuratissimè explanarit, constituerit, illustrarit. Sed quoniam breuitati dum ipse studeo, atque ad alia festinat oratio, obscurare multa, multa etiam prateruolare atque adeò prætermittere cogor, illud enixè oro ac peto, vt qui rem hanc non summam & cursim, sed distinctè (vt par est) & explicatè cognoscere velit, Baronium ipsum perlegat: sentiet ehim decretum hoc nobilissimum tanta siue diuinorum oraculorum acrimonia, siue sacrorum Conciliorum Patrumque consensione, tam admirabilè rerum in Ecclesia gestarum copia & vbertatè, tali denique rationum vi, & pondere exemplorum, explicari, vt nihil amplius aut iurati Traditionum hostes capillari possint, aut curiosissimi illarum inuestigatores expetere.

Secundum in quo declaratur quàm vtiliter multa scripserit de Concilijs.

Iam verò vbi de Concilijs eorumque sanctionibus agit, quid quæso non accuratum, sincèrum, exquisitum tradit? quid non ad fideles optimè instituendos, hæreticosquè profigandos, & (vt dicam paucis) non ex Ecclesiæ vtilitate ac dignitate scribit? Dies me deficiat, si ea vel perstringere vel enumerare velim, quæ mihi quidè in Baronij Annales intuenti, in hæc sententiam occurrunt: Etenim dum vniuersè de illis agit, sic sanè eorundem originem, antiquitatem, vsum, auctoritatem, discrimen quoque varietatemque persequitur: sic docet quæ illis affinitas cum Traditionibus intercedat atque coniunctio: cuius arbitratu & auctoritate



thoritate sint indicenda : quibus præcipuè de causis cogenda : cuius sit illis præsidere : quæconomia & ratione sint disponenda ac peragenda : qui conuocandi : quò maximè in illis spectandum & intendendum, & si quid huiusmodi, nihil vt explicatiùs aut perfectiùs expeti possit. Dum verò distinctè Concilia singula suis quæque recenser locis, & quo tempore, quas ob causas, cuius notu & autoritate indicta & conuocata, vbi & per quos celebrata, quid in illis explicatum, quid confirmatum, quid definitum, quidue datum abrogatumue fuerit, hæc verò omnia tam accuratè è tenebris eruit, ac veluti ante oculos ponit, vt tantum non illis te interesse arbitreris. Sed illud longè eximium & singulare, quod ad ingentem attinet Conciliorum numerum & quasi syluam, quam ex abditissimis & obscurissimis Ecclesiæ monumentis in lucem reuocauit. tantam enim Conciliorum multitudinem vel vnus eiusdemque seculi decursu attulit in medium, quantam alijs ne toto hoc temporis interuallo quod à Christi aduentu ad nos vsque fluxit, enumerare solent. Immo verò, cum eleganter omnino ac scitè ostendisset primum Concilium à Christo & Apostolis fuisse adumbratum, vel potiùs, vt diuinitùs sacer nobis Conciliorum typus extaret, primis etiam coloribus expressum; alterum ab Apostolis ipsis Hierosolymis habitum: tertium (id quod subtili admodum & accurata conquisitione deprehendit & comprobatur) ab iisdem Apostolis Antiochiæ celebratum, inter hoc sanè & Nycænum, quod tamen passim à viris etiam doctis primum enumeratur ac censetur, Cōcilia non pauca, eaque sanctissima & maximis de rebus habita, constituit & interiecit, quæ alios omnino fugisse visa sunt. Quin etiam inter Nycænum hoc primum & Constantinopolitanum quod secundo loco ponitur à cæteris, alia quorūque multa (legitima semper intelligo) aliorum pace meritisimò disposuit & collocauit. Vt propterea quod olim Aegyptius sacerdos Soloni ac Græcis obieciſſe fertur, dum

## 26 DE ECCLESIASTICIS BARONII

illos ea de causâ pueros appellaret quòd domesticas antiquitatum memorias ignorarent, id mihi hoc tempore in eos conuerti posse videatur, qui hætenus nisi communi quadam ac trita Conciliorum notitiâ non sunt imbuti. Ipse certè, cùm aliquando fore sperarem, vt si ea quæ quotidie terimus Conciliorum volumina, accuratè peruolutarem, non vulgarem mihi Conciliorum cognitionem acquirerem atque pararem, Baronio tandem perlecto, animaduerti me ne tum quidem sine Baronij adiumentis in pulcherrimo Conciliorum campo nisi hospitem & peregrinum versari posse.

Tertium in quo ostèditur quæta cum Ecclesiæ dignitate & vtilitate Canonum historiam sit profecutus.

Iam verò quid attinet dicere qua industria & cura sacros Ecclesiæ Canones conquiescit, ac tanquam tabulas benè pictas in bono lumine collocarit? qui enim Conciliorum quam diligentissimus, ne dicam curiosissimus, indagator fuit & conquiesitor, atque illorum acta è densissimis tenebris eruta, in apertum produxit, ac tanquam ad aspiciendam lucem reuocauit, is profectò eadem cura & studio Canones ex obliuionis caligine vindicari necesse est. Quare tantum dicam Ecclesiæ decreta & canones, siue illam quasi ab incunabulis nascentemque spectes, siue crescentem protinus atque inter furentes tyrannorum impetus adolescentem, siue etiam adultam iam & progredientem ætate, vltro sese nobis atque ex ordine in Annalibus Baronianis obijcere; atque ita etiam obijcere, vt vno eodemque tempore agnoscere liceat, cuius sit eos vel condere aut confirmare: cuius item rescindere & antiquare: qui germani, ex ijs præsertim qui extant Apostolorum nomine; spurijue habendi sint; qua reuerentia & pietate colendi: quantum denique & Cæsareo iuri atque aded non sacris legibus præstent, & harum aut hores, etsi regia fulgeant purpura, vinciant & obstringant: tantum abest vt Canonum auctoritatem, nisi iniquis conatibus, oppugnarint atque eleuariat hæretici. Quod si quemadmodum Canonum historiam perdu-

xit vsque ad prima Gregorij Magni tempora (nam Pelagij II. obitu clauditur Septimum Annalium volumen, quod nunc demum pròdit in lucem) sic reliquam deinceps (vt speratur) fuerit persecutus, haud fore dubito quin multa ex abditissimis monumentis proferat, quæ vel primarios Pontificij iuris. Consiliarios mirificè delectare, interdum etiam non mediocriter iuuare, possint. Quod quàm verè à me dicatur, licebit tibi, ex Anastasij Germonij, Serenissimi Urbini Ducis apud Summum Pontificem Oratoris, atque vtriusque Signaturæ Referendarij clarissimi, iudicio ac testificatione perdiscere. Cum enim optimè scirem eum factos Canones Augustæ Taurinorum multos annos summa cum laude docuisse, ac doctissimis elegantissimisque commentarijs illustrasse, & (vt dicam breui) mira cum omnium approbatione scripsisse multa, cum præterea audirem illum in præsens Clementis VIII. iussu, Tridentini Concilij Canones Septimo Decretalium (sic enim interim nouum Canonum volumen appellant aliqui) intexere, & illius glossemata luculentis notationibus interdum etiam subtilissimis quæstionibus, explicare & illustrare, nihil potius habui quàm vt de Baronij Annalibus eius sententiam explorarem. Quid multa? Varia (vt fit) ex eo sciscitor de Pontificij iuris sacrorumque Canonum studio: tum verò, quasi aliud agerem, quid de Baronio sentiat, quaro, præsertim vbi priscorum Canonum attingit historiam. Tum ille, Ego verò Baronianam historiam quasi cœlestem facem suspicio: atque oblatam nobis lucem cupidissimè intueor: interdum etiam Authorem ipsum in arcanis Pontificum & Conciliorum actis consulo perstudiosè. Hæc vir clarissimus pro sua ingenuitate & probitate. Quæ ideo minimè reticenda esse duxi, vt intelligas quantopere Baronius hac etiam in re à doctissimis ac laudatissimis viris laudetur.

Nunc porrò expectes fortasse, vt quoniam hætenus, si non pro dignitate, pro mea saltem tenuitate, exposui quàm

Quartum, in quo demonstratur martyrum



## 28 DE ECCLESIASTICIS BARONII

tractationem  
exquisitè ad-  
modum atque  
omnibus nume-  
ris absoluisse.

egregiè Author è Christianæ Reip. utilitatè ac dignitatè ;  
Ecclesiæ siue initia ac veluti incunabula ; siue incrementa ;  
complexus sit , ac pro sacrosanctis illius decretis , ritibus ,  
authoritatè denique ac maiestàte , perduellium temeritatè  
obstiterit , iam eiusdem authoris vestigijs insistens ad res  
aggrediar quas & fortissimi Christi athletæ strenuè con-  
stanterque gesserunt , & sanctissimi Ecclesiæ Antistites ac  
Proceres pari pietatè ac sapientià docuerunt . Et rectè qui-  
dem . Nam præterquam quod sunt hæc diuinæ virtutis mo-  
numenta sempiterna ; atque immensam Christi erga nos  
benignitatè mirificè declarant , hinc sanè longe clariùs  
pulcherrimam Ecclesiæ facièm intueri , hostium impuden-  
tiam improbitatè agnoscere , Baronij denique soler-  
tiam ac sedulitatè spectare , nobis liceret . Verùm quis  
tantarum rerum molem ac varietatè non reformidet ?  
quis non grauissimè onus refugiat cui statim succum-  
bendum esse intelligat ? Ego sanè , Pinelle humanissimè ,  
nunc maximè ad lenitatè tuam confugio : tuam nunc be-  
nignitatè appello : & qui hac in parte vehementer æstuo ,  
ad tuæ indulgentiæ (hanc enim mihi liberalitè obtulisti)  
portum confugio . Etenim si eniti velim ut quam Baronius  
in martyrum causâ Ecclesiæ nauauit operam , hanc nostra  
referat disputatio , cum nullâ propè Annalium pars erit  
quam liceat intactam prætermittere , (id quod immensi pe-  
nè operis esset ac laboris) tum verò cæ omnia quibus Ro-  
manum Martyrologium admirabili quodam studio illus-  
trauit , huc erunt reuocanda . sunt enim inter se tanta affi-  
nitate coniuncta , ac tam bellè ad eandem planè martyrum  
historiam confluenda , omnibusque numeris absoluen-  
dam , conspirant , ut author , breuitatè dum studet , ad Marty-  
rologij notationes prouocare cogatur passim : & rem totam  
Lectoris diligentia ac fidei commendare . Erit itaque pie-  
tatis tuæ , Pinelle optime , ex gemino hoc veluti fonte sua-  
lissimam martyrum historiam haurire : atque incredibilem  
inde

ni, hometal  
et hometal  
et hometal



1 CARDINALISTAMNALIBVS. 1029

inde Batoni diligentiam, summumque in Ecclesia iuuan-  
da studium; animaduertere; Sed age dum obsecro, & ad  
purissimos, utriusque fontis latices (spirant enim adhuc  
coelestem illam martyrum charitatem) accedito, eorum-  
que similitudinem degustato. Optas fortasse instructas marty-  
rum acies pro temporum serio & per singulas Imperato-  
rum aetates titulati aut uideris, cupis eosdem pro varijs or-  
bis terræ partibus & provinciisque distinctos inspicere & inspi-  
cies; amas illos aduersus Prætores imperatoresque ipsos  
Christi causam alacriter tuentes audire & audies, cognosce-  
re illos, exspectas quibus tunc in manibus posserat ac bestia  
vel prouocaretur, pepercissent; interdumque etiam praesidio  
fuerint & cognosces, spectare illos desideras qui machinas,  
carnifices, tyrannos; Demones propè ipsos, incredibili  
constantia fatigarunt & spectabis, quare equuleos, ungues,  
ceteraque tormentorum gênera; aut etiam carcères, ca-  
tabula, theatra, caueas, metallaque perdiscere ubi nobis  
Christianæ patientiæ vestigia; he pulcherrima ad imitan-  
dum exempla, reliquerunt & perdisces, auctorem animaduertere  
qua charitate, quibus obsequijs & studijs, pitisci illi fideles  
Christi Athletas spirantes adhuc profecerentur & foue-  
rent, aut quantopere ij vitissimi in amore omnibus respon-  
derent; Pastoribus obtemperarent; praecipue verò è Summi  
Pontificis nutu penderent & animaduertes. Sed illud fortasse  
se percipere studeas uol maximè, nimum quando semper  
studio Catholica Ecclesia martyrum acta conquisierit, di-  
cta obseruauerit, nomina descripserit, uirtutes celebrarit,  
cineres ac reliquias custodierit; & ab infidelium hæretico-  
rumque incursumbus insidiisque defenderit: at hæc etiam  
percipero tibi licebit luculenter: comen enim eorum dicta  
& facta q notarijs excipi, ab Ecclesia publicis tabulis consi-  
gnari, fidelibusque castè & sanctè recitari, à Diaconis, Epi-  
scopis, summisque Pontificibus religiosissimè conseruari,  
consueuisse. Quod si ad extremum postules ut explicet Ba-  
ronius

# 306 DE ECCLESIASTICIS BARONII

ronius; quæ sint iustæ ac germanæ martyrij causæ, quando fidem siue confiteri siue etiam profiteri oporteat, quando tyrannorum furorẽ liceat declinare, vexationem pretio redimere, quĩ martyres ab Ecclesia censeantur; quive explodantur, hæc verò explicabit omnia. Nam eorundem natales, anniuersaria, pòmpos, celebritates, ac sexcenta huiusmodi alia quibus Ecclesia fortissimis Athletis perpetuò gratulatur, nihil attinet commemorare. Ista, ista inquam, ex gemitio illo Baronij fonte vberimè hauries, atque (vt spero) incredibili cum animi voluptate, fructu etiam generoso pectore digno, degustabis. Habent enim martyrum recordationes; fidei, pietatis, fortitudinis, charitatis, multarum denique magnarumque virtutum incitamenta: quibus, cum in eas intuemur, non possumus non magnopere commoueri, interdumque etiam magnam vim lacrymarum profunderẽ. Sed quid multis opus est? hic agnoscimus quàm procul distamus ab eorum patientia & integritate: quàm absumus ab illorum meritis ac laude: hinc ad rerum humanarum dispiciẽtiam martyrumque ipsorum imitationem excitamur, incendimur, inflammamur.

Neque verò interim egregij illi Antistites ac Patres non tibi occurrent, qui pro Christi Ecclesia tantopere laborarunt: immo verò animaduertes quo quique tempore sese fidelium castris commilitones adiunxerint: vbi terrarum ac gentium suam operam ac studium ad Catholicos iuandos retulerint: senties qua pietate & charitate commissum sibi gregem complexi sint: quo anũ ardore & contentione illum à luporum infidijs rabieque defenderint: intelliges quibus vigilijs & lucubrationibus siue dilucidarint & illustrarint Dei verbum, siue hostium represserint temeritatem: denique intueberis in illis, nec sine magno pietatis quãstu intueberis; precandi studium, ieiunia, lacrymas, corporis afflictationes, peregrinationes, perpessas iniurias, & (vt semel dicam) quibus armis & exercitationibus sensuum

Quintum in quo exponitur quàm excellenter præcipua reliquorum Sanctorum Patrum dicta & facta complexus sit.

Mundique illecebras, sed imprimis Dæmonis insidias, peruicerint & superarint. Ex quorum congressu delectationem eo etiam capies maiorem; quod senties plerisque martyrij quoque cupiditate flagrasse: ita ut illis carnifex defuerit quidem: martyrij verò cupiditas atque voluntas nullo modo. At enim Marcellinus (quanquam hunc libentius fortasse inter martyres referas) Liberius, Osius, Dyonisius, Vincentius, qui omnes Catholicæ Ecclesiæ columnæ habebantur, alijque eiusmodi multi occurrunt, qui aliquando Christianæ Reipub. iniurij Luctuosique fuerunt. Occurrunt, fateor: sed tandem illustri eorundem poenitentia, nostra subleuabitur Imbecillitas: ut quantum infracta martyrum constantia ad virtutem incendimur, tantum istorum poenitentia ac melioris vitæ exemplis à vitijs reuocemur. Sint ista. Verum quid quod Origenes etiam, Fortunatianus, Luciferi, alijque permulti occurrunt, qui cum diu multumque pro Catholica Ecclesia laborassent, nonnulli etiam ad sanguinem usque hostibus restitissent, tandem grauitè lapsi nullis poenientiæ indicij decesserunt? Quid quod Tatiani quoque, Tertulliani, Eusebij, alijque sexcenti in conspectum se dabunt, qui tandem à fide non exciderunt solum, verum etiam ad extremum usque spiritum vocem, stylum, facta denique cogitataque omnia aduersus Catholicos conuerterunt? Ergo dum illorum suspecta nobis ac dubia, horum desperata prorsus ac deplorata est salus, nos ex luctuoso illorum lapsu atque ruinis salutarem timorem concipiamus. Quotus enim quisque est qui non intimis sensibus commouetur & contremiscat, ubi in Baronium inciderit lugubre Calaritani Luciferi elogium ex Hieronymo ferme prosequente? Luxerunt (inquit) fides & pij acerbissimum tanti viri casum, cum viderent hominem honestissimis magna gloria pro Ecclesia Catholica perfunctum legationibus, tot confessionibus insigniter nobilitatum, quot apices in Constantium scripserat pro Athanasio



### 32 DE ECCLESIASTICIS BARONII

& fide Catholicæ; torquæ in aſſyria propemodum exan-  
 tum; quot annis exul in diuerſa loca fuerat deportatus; ho-  
 minem coryphæum & antefignanum Catholicorum in  
 tam diuturno & difficultiſſimo prælio Arianorum, poſitum  
 inſtar Hieremix in columinam ferream & murum æreum  
 pro domo Dei, Eccleſia Chriſti: hunc ipſum, inquam (proh  
 dolor?) poſt tot victorias & erecta de perfidia debellata  
 trophæa, ſub ipſo triumpho tam inſelicitè à diſſenſionum  
 auctore diabolo ſuperatum, & ſeparatum ab Eccleſia eſſe,  
 ac planè proſtratū? Quem tunc optimis quibusque ti-  
 morem caſus incuſſit: vt illud Zachariæ merito uſurpa-  
 rent. Vlula abies, quia cecidit cedrus: Atque vtinam ipſe  
 Lucifer, qui Zelò æſtruabat Helix, & Helix dictum audif-  
 ſet: Non in ſpiritu vehementi Dominus, non in commo-  
 tione Dominus, nec in igne Dominus, ſed in ſibilo auræ te-  
 nuus: nempe in manſuetudine, benignitate, & miſericordia  
 verè inerat Dominus. Hæc Baronius. Quæ cum ita ſint,  
 quis hæc dum audit, non pertimeſcat, ac ſalutem cum timo-  
 re ac tremore ſibi operandam eſſe non ſtatuat? Sed quo-  
 niam peruelim Pinelle optime, vt hæc atque alia huiusmo-  
 di multa, quoniam ſunt pleniffima vtilitatis & iucunditatis,  
 ex Baronio ipſo perdiſcas, non ego te ijs detinebo: ſed ora-  
 bo potiùs & obteſtor, vt (quod iandiu tua ſponte facere  
 cœpiſti) in pulcherrimum hoc Annalium theatrum excel-  
 lentem illam ingenij tui aciem mentemque deſigas: futu-  
 rum enim ſpero vt tum mihi de Baronio facilè aſſentias, ti-  
 bique ipſe mirificè gaudeas, tum multò maximè Sacroſan-  
 cto Cardinalium Collegio clariffimum lumen, Pontifici  
 Max. eximium fidei propugnaculum, fidelibus omnibus  
 Eccleſiaſticæ antiquitatis ac veritatis præconem, ac di-  
 gnū immortalitate Præſulem, gratuleris.

Additur iam ac  
 demonstratur  
 Chriſtianum  
 Theologum ad

Nunc ad cætera. Cum enim aſſumauerim ac demon-  
 ſtrandum receperim, Baronij hiftoriam non modò ad hære-  
 ticos proſligandos, Eccleſiæque dignitatem retinendam,  
 magnope-



magnopere perire (id quod hactenus pro virili parte mea docui) verum etiam Christianum Theologum multis magnisque praesidijs instruit, atque adeo ex angustijs & egeritate ad summam rerum amplitudinem vberitatemque traducere, aequum sane est ut haec quoque in re liberem fidem meam. Quod ut faciam lubet hinc exordiri. Melchioris Carini liber, in quo Theologici explicantur loci, in promptu est omnibus commendavi etiam illi posteritati cum elegantia & stylo, qui longe splendidior est quam in Theologo magnopere cerni soleat, tum vero eruditio atque doctrina qua perfectum Theologum describit ac fingit. Porro hunc ego Catil Theologum minus parabilem iudicaveram aliquando; atque adeo cum perfecto illo M. Tullij Oratore conferebam, quod animo quidem fingi posse videretur, re ipsa cerni, nullo modo. Nec sane (ut mihi quidem persuadebam) leuibus rationibus in hanc sententiam adducebar. etenim cavebat primo vir doctissimus, ne quis antea penetrasset Theologorum sacros attingeret, quam in Philosophorum pulvere plurimum desudasset, tum vero eundem in Scholasticæ Theologiæ palæstram intrudebat, ut ibi subtilissimis illis laboriosisque disceptationibus diu multumque exerceretur: simulque ad diuinarum literarum & sanctorum Patrum volumina sedulo euoluenda impellebat. Ad hæc iubebat in Catilæ vultu non sanè hospitem ac peregrinum esse: Pontificij vero apprimè studiosum & gnarum: quasi illud Philosophiæ hæc Scholasticæ Theologiæ, ex altera parte respondeat. Postremò (ut ingentem atque multiplicem Theologi suppellectilem concludam paucis) præcipiebat ut priscis Apostolorum præceptionibus quæ ad id tanquam viæ vocis oraculo traditæ sunt & consignatæ. Sacrosanctis Conciliorum adinæque decretis, his illorij item cum profanis tum vero scriptis operam daret. Quin etiam, ne qua in cætyro esset ac rudis, statuebat ut Latinis literis, hebraicis quoque & Græcis adiungeret.

magnam rerum omnium vberitatem traducum esse: & prima hæc disputationis pars claudicet tota.

### 34 DE ECCLESIASTICIS BARONII

Quamvis enim totam hanc Græcæ Hebraicæque linguæ cognitionem exagitare visus esset, vel certe non ijs assentiri qui obscuris in locis ad Hebræos Græcosue codices prouocarent; ad extremum tamen multas ac magnas istarum linguarum utilitates prosequitur, & dediturque ut suis Theologus strenue illis operam nauet ad diligenter. Hæc Inquam omnia in Theologo requirit Canus; atque ex his quasi fontibus argumenta ducere posse iubet, qui Theologi partes sustineat. Quæ sane cum mecum ipse reputarem, vix ac ne vix quidem adduci poteram ut crederem, posse hæc omnia ab homine comparari præsertim verò qui cum in eos animam diligenter intenderem, qui Theologorum Coryphi hæcenus haberentur, neminem his instructum omnibus deprehenderem, sed potius animaduertentem ab hac laude abesse omnes. Ita demum omni mihi quidem talis tantusque Theologus optandus magis quam sperandus videretur, interdum non sine niterore aliquo Theologica studia prosequerbar. Sed ecce tibi, cum Baronium lectitare cœpisssem, sententiam facile depolui & tecum meliore (ut spero) commutauit. Intelligebant enim Theologum Baronij lectione Ecclesiasticis historijs admiraculum excoli posse: ad profanas etiam si non vberius, mediooripetentē, & ad rerum diuinarum studia opportunē admodum informari. Ad hæc Apostolicis traditionibus, Ecclesiæque ritibus & institutis, adde etiam Conciliorum decretis, extollentē imbui: denique ad diuinarum literarum, quædorumque Patrum ac rogius Pontificij iuris intelligentiam non vulgari ter iduati, tum ex ijs pro re nata explicet multa: in reliquis regiam nobis viam ostendat & patēfaciat. Quid igitur prohibeat solers ingenium & nauum (neque enim homines ad Theologiam fieri sunt omnes, sed solertissimi quique & strenui) singularum Philosophiæque cognitione y florente ætate; (id enim multis vsu venire cernimus) comparata, tum Scholastico Theologorum pulchre accurato, quicquid illius labore protritito,

protrito, ad reliqua propè omnia Baronio Duce aggredi-  
 atque ita demum omnes Christianæ sapientiæ partes (de  
 Cæsarea namque iure Cano haud assentioni nisi tamen il-  
 lius initio Theologo explorata esse vellet, ut ad ipsa Pontifi-  
 cium faciliorem sibi aditum patefaciat) perdiscere, & com-  
 parare id quod eò minorem habet difficultatem, quod  
 istatum studia doctrinarum, ut mutuo se iuvant, & pleraque  
 vno eodemque tempore in eandem contemplationem ca-  
 dunt, optime iungi possunt, atque aliis semper in animo  
 consignari. Hæc itaque sunt, mea quidem sententia, quibus  
 Theologiam ditavit ornavitque Baronius, atque è summis  
 angustiis & egestate ad magnam rerum omnium copiam  
 vbertatemque traduxit. Neque enim magnopere est in  
 præsentia cui quisquam ingentem historiarum scriptio-  
 numque, siue sacras species, siue profanas, molem varia-  
 temque reformidet: aut etiam, quoniam pleraque vix ac ne  
 vix quidem nisi Romæ & à viris Baronio similibus consuli  
 poterant & peruolitari, in medijs quasi spatijs concidat  
 animos hæc enim omnia, licet disiecta interdum & lacera,  
 aut etiam dissidentia & ambigua, summo labore conqui-  
 sita, parique studio perlecta & examinata, in vnum veluti  
 corpus nobis Baronius redegit, & in oculis conspectuque  
 omnium posuit. Ut proinde qui Baronium perlegat, huic  
 numerosi authores illi obuiam suo quique loco pulcherri-  
 moque ordine procedant omnes: verissimeque dici possit,  
 quos ille hætenus diurnis & nocturnis quadraginta ferme  
 annorum vigilijs atque laboribus collegit fructus, hos non  
 habere in & indiligentem illius lectorem biennij studio in  
 suum usum convertere posse: ac magna cum animi volupta-  
 te, honesta etiam laude, incredibili pietatis questu con-  
 vertere. Id quod ij sigillatim fateantur necesse est, qui quas  
 habemus cum hæreticis controversias, libenter legunt, se-  
 que aduersus illorum fallacias instruunt. Dum enim tot  
 tantæ unque rerum textæ historiæ, & Romani Pontificis



### 36 DE ECCLESIASTICIS BARONII

aliorumque omnium quæ iam sæpè recensui, tuetur auctoritatem, & (vno verbo) pro Catholica veritate pugnat. quid obsecro intactum relinquit quod vel ad domesticos fidei protegendos, vel ad perduelles expugnandos, pertineret videretur? Ego sanè fateor multos in hoc scribendi genere subtiliter multa & accuratè scripsisse, ac strenuè cum hostibus decertasse. Sæd quoque scio non defuisse tandem qui controuersias vel omnes vel certè plurimas in vnum quasi corpus redderit, atque ita redegerit, vt breui tempore, nec magno labore, liceat illas perdiscere. Verùm illi quoniam alijs aliud sibi argumentum explicandum suscepit, non æquis momentis ac viribus, interdum etiam (vt sunt varia hominum ingenia) dissidentibus rationibus, reuè peregerunt: ita vt lucubrationes singulas probare quidem possis, in omnibus vèrò illas coniungere, atque aptè congruenterque progredi, minime interdum possis. hic vèrò, siue quòd nostrorum temporum hæreticos sibi oppugnandos proposuisset, ac lectis in antea Germanorum Anglorumque iuuentutem aduersus domesticos fidei hostes instruendos suscepisset, siue quòd non tam expedire arbitraretur obsoletas iam hæreses in medium afferre atque ignem bene sopitum excitare, quàm serpentes comprimere, ardentisque facès extinguere, siue quòd in recentioribus hæresibus veteres maxima ex parte delitescere, atque vno eodemque telo cum recentes tum priscas prosterne posse iudicaret, vniuersam ferè disputationem (id quod ipse me non fateretur solum sed proficetur) in nostrorum temporum hæreticos conuertit. Ita Caluinos statim, Lutheros, Seruietos, Brentios, Illyricos, Melancthyones, Kemnitios, Zuinghios, Bezas, Centuriatores denique & huius farinae hæreticos lacessens, in priuatis hominum erroribus recensendis, fraudibusque detegendis & propulsandis, ferè est totus. At vèrò Baronijs partim ostendit quòd quæque hæresis tempore serpere ac manare coepit, idque ab ipso Simone Mago

(hic



(hic etenim quemadmodum Simoniacis ita hæreticis se-  
dilem præbuit & antesignanum) ducto initio: simulque  
aperit quibus siue inuidiæ, siue contentionis, siue pertinaciæ  
facibus incensi & abrepti miseri illi, Catholicam veritatem  
deseruerint: partim docet quantopere & vestigio fideles  
detestati sint illas, atque Ecclesia vniuersa publicis execra-  
tionibus eas damnauerit: partim in eorundem hæretico-  
rum dogmata stylum conuertit, & ad fibras radicesque  
ipsas securim conijcit. Vbi sanè sacrarum literarum mo-  
mentis, rationum pondere, Patrum suffragijs, historicorum  
testificationibus, rerum gestarum exemplis, ac veneran-  
dis totius antiquitatis monumentis, sic vrget hostes, sapi-  
etiam illorum met telis & machinis de gradu illos sic dei-  
cit, vel potius obruit, sic etiam orationis moderatione, ac  
benè de illis merendi propensione (mirum est enim quan-  
topere hæc eluceat in Baroniana historia) eos allicit, vt  
sapientissimos quosque Controuersiarum scriptores facile  
æquar, in multis etiam longissimè superarit. Vt minimè  
mirum videri debeat Germanorum Polonorumque studia  
excitasse: Gallos, Anglos, Transalpinos iam propè omnes  
in sui admirationem rapuisse: denique externorum opera  
peregrinis linguis loquentem audiri, vt extere nationes ac  
gentes velut aculeo etiam sermone, ac tanquam à suo qua-  
que Ciue, de Ecclesiastica antiquitate & veritate do-  
ceantur.

Sed iam orationem meam longius progressam video  
quàm institueram: compescam itaque illam, ac, tanquam  
frenis iniectis, cohibebo: nisi tamen tu, vir clarissime, id  
mibi prohibueris: quod nihil ferè aut de personæ authorita-  
te dixerim à qua conscripta est augustissima hæc historia:  
nihil de loci sanctitate & maiestate in quo est exorta: pau-  
ea etiam de temporum in quæ incidit, opportunitate: cum  
tamen iandiu monuistem hæc omnia ad hanc historiam  
plurimum pertinere, atque in Ecclesiæ commodum redun-

II. III. & IV.  
Pars: in quibus  
rursum Eccle-  
siastici Annales  
tum ex autho-  
ris persona,  
tum ex loco in  
quo conscri-  
buntur, tum ex  
tèpore in quod  
incidunt, bre-  
uiter asiman-  
tur.

### 38. DE ECCLESIASTICIS BARONII

dare. Et sanè isthæc omnia à me fuisse prætermissa, & fateor  
 & doleo. Quin video me inde etiam huius historiarum splen-  
 dorem ac dignitatem ostendendam proposuisse, quòd ex-  
 quisita planè ratione conscripta sit: & cum veritate quæ hi-  
 storiarum caput est ac vertex, perspicuitatem, cum perspicui-  
 tate diligentiam, pietatem, cætera denique omnia quæ in  
 Ecclesiastica historia desiderantur, egregiè planè coniun-  
 xerit. Sed longum esset ad omnia ornatissime Pinelle: nec  
 tu à viro occupatissimo id postulas in præsentem quod longio-  
 ris scriptiois ac temporis esset, vel (ut verius dicam) iu-  
 stum volumen desideraret. Quanquam ne silentio penitus  
 inuoluisse videar quæ admirabili vbertate & copia tractari  
 possent, ad ea sanè lubet digitum saltem intendere. ita  
 enim fore spero ut si non ieiunitatis & siccitatis, indecoræ  
 eertè ac subræsticæ taciturnitatis, crimen deuiter oratio. Er-  
 go qui à himaduerrere velit quantum momenti ac ponderis  
 ex Authoris persona accesserit ad hanc historiam, secum ip-  
 se reputet, sub quo magistro pietatis tyrocinia posuerit Ba-  
 ronius, quem vitæ moderatorem habuerit: in qua se exer-  
 cuerit palæstra; æstimet quibus exinde studijs, qua charita-  
 te, ad se pietatis causa confluentes amplecteretur, iisdem-  
 que salutis iter ostenderet, & quantum denique studia do-  
 ctrinarum cum pietate coniunxerit, vel potius ad Dei glo-  
 riam animorumque salutem semper retulerit. Hinc enim  
 facilè intelliget Baronium à Deo, tanquam ad aram Aa-  
 ron & ad sceptrum Moysen, ad Ecclesiasticam historiam  
 scribendam vocatum esse. Sed & quantam eidem historiarum  
 auctoritatem addat sanctitas atque maiestas urbis in qua  
 veluti concepta, nata, educata, denique ad maturam æta-  
 tem perducta est, vel ex eo intelligi potest, quòd plurissimi  
 una suppeditauit Vrbs, quàm reliquæ subministrarint om-  
 nes: Vt (si me audias) id quod Romæ per Baronium con-  
 secuti sumus; aliunde sine temeritate non modò non spera-  
 ri & expectari, sed ne optari quidem posset. Verissimè nam-  
 que

que affirmari potest, petente ac proprio esse huius Urbis sanctissimæ, ut thermæ, arcus, theatra, templa, cryptæ, sepulchra, loca denique omnia, quin lapides solumque ipsi som, ad Ecclesiasticam historiam clarissima offerrent monumenta; & vel tacentiæ ad nobilissimos Annales conscribendos in starent, illigerent, prodicarent. Nam de doctissimorum hominum multitudine ac varietate quæ in hac Urbe florent, aut etiam ad eandem confluunt undique, deque peruerstis atque infinita propè librorum copia instructis bibliothecis quid attinet dicere; cum vel hoc vno Urbis hæc Theatrum orbis terræ, antiquitatis monumentum, atque omnium gentium iurè ac merito appelletur? Iam vero quænam opportune atque adeo scilicet in hæc tempora et ceteris hæc historia, cum ex ijs percipi potest quæ iam antea de Ecclesiæ statu atque hæreticorum imposturis disputata sunt, tum verò ex his quæ subijciam, facile intelligetur. Et enim cum Author multum operis ac laboris ad Romanum martyrologium, hoc est ad præcipuam sanctissimorum Ecclesiæ militum acta illustranda, contulisset, ac luculentis ea narrationibus illustrasset, quid aliud effecerat obsecro, quàm quòd fidelium pectora ad vberiore Christianæ Reip. cognitionem præparauerat, atque ad salutarem hanc historiam non modò excipendam, sed cupidissimè perlegendam excitauerat? Ergo id planè reliquum erat, ut martyrologio peruulgato, optatissima hæc historia prodiret in lucem, atque vberimos latissimisque Ecclesiæ fructus afferret. Huc accedit quòd conscelerati Diaboli satellites diuina oracula, Patrum lucubrationes, Ecclesiasticasque historias ac monumenta impensissimè peruoluntarant, profana quoque non indiligenter perlustrauerant; & cum sacris conamixerant: omne denique lapidem mouerant; omnem literarum angulum conquisierant. Sed i quoisum? nimirum ut ea, superiorum hæreticorum exemplo, immo verò maiore peruiticacia & improbitate, ad sua impura dogmata



muta detorquerent: ut fideles per speciem pietatis menda-  
cij facilius onerarent: ut pulcherrimam Catholicæ Eccle-  
siæ faciem, si quò modo possent, deformarent. Quid igitur  
opportuniùs contingere poterat: fidelibus hoc tempore,  
quàm eam hostibus historiam opponi, quæ factas antiqui-  
tates fideliter complecteretur, atque illis sanctè religiose  
quæ insistens, Romanæ Ecclesiæ integritatem Catholicæ  
quæ fidei candorem ostenderet? Ita demum omnino in rem-  
pore fuit Ecclesiastica Baronij historia, in qua tum superio-  
rum seculorum fraudes, tum maximè nefaria Magdebur-  
gensium atque huius ordinis hæreticorum mendaciæ ac tet-  
nebræ, Catholicæ veritatis luce disicerentur: quin ut hu-  
ius virtus magis ac magis appareret, simulque pii omnes in-  
telligerent, quantopere lux tenebras, veritas mendaciæ,  
Christus Diabolum, superaret: unus, unus inquam centu-  
rias integras atque adeò hostium decemmillia profligaret.  
Hæc inquam (ut summam & quam brevissimè illa lodi-  
cem) secum ipsi reputent ac per oculum diligenter expen-  
dant, qui personæ auctoritatem (ut patet) ac dignitatem,  
maiestatem quoque loci, & hanc hanc temporis oppor-  
tunitatem, pertinere fateantur ad hanc historiam.

Postrema pars  
in qua ex scrip-  
tionis ratione  
strictim omni-  
no dijudicatur:  
vel certè capita  
indicantur vn-  
de vberius diju-  
dicari possint.

Potro autem scriptionis modus & ratio, de qua mihi po-  
tius loco dicendum esset, tam late patet, vix ut exitum  
illum sperare liceat. Agnoscendum enim esset primum  
quàm solida siue rerum, siue temporum, veritate hæc con-  
tineatur historia. Siquidem nemo est qui nesciat, eam ma-  
ximè experiri: cetera quæ omnia forte superuacanea, ubi hi-  
storici fides requiratur, aut veritas suspecta sit. Deinde vi-  
dendum esset quâ perspicuitate & quo ordine dispositæ res  
sint & collocatæ, quibus enim quisque est, quinon intelli-  
gat, vix prodesse quæ quàm occultam rerum ac temporum  
veritatem introspectisse (in occulto namque latere solet ve-  
ritas) nisi ordo ex inordinato, perspicuitas à tenebris illam  
eximat? Sed & observandum esset, quàm apposuè refera-  
tur

tur atque omnibus absoluta partibus proferatur, vt enim inania & ociosa vitanda sunt, ita, quantum iniuria temporum patiat, nihil est prætermittendum quod ad integram rerum gestarum notitiam pertinere videatur. Ad extremum, quoniam non de stillicidijs aut fundis agitur, sed de sacris antiquitatibus & monumentis, deque diuinis doctrinis & institutis ac potius Christianæ rei summa, animaduertendum esset quæ siue pietate, siue prudentia, siue eruditione & rerum omnium cognitione, res pertexat & prosequatur. Hæc inquam omnia tractanda essent & decernenda, quorum tamen disceptatio & dijudicatio tum bene longam ac variam disputationem requireret, tum (vt ingenue fatear) meas vires quamlongissimè superaret. Quamobrem dabis mihi hanc veniam Vincenti optimè, vt inter has angustias pictores mihi liceat imitari. Ij enim, cum sibi instructissimus exercitus in tabula sit effingendus, primam aciem quanta possunt maxima referunt cura, & strenuissimorum equitum peditumque absolutissimas effigies obijciunt intuentibus: tum mediam postremamque sic exprimunt & imitantur, vt in illa caput tantum aut galeas attollant alij qui in hac vix confertissimæ hastarum acies militaribus distinctæ insignibus appareant. Hos itaque in præsentia imitabor ipse, cum etenim pro mea mediocritate exposuerim quæ primo loco de Baroniana historia dicenda ac veluti in prima acie collocanda fuerant: aliqua etiam ex parte prosecutus sim quæ medium sibi locum deposcerent; postrema equidem per capita leuiter attigisse, ac tanquam summis apicibus indicasse, contentus sum. Denique cum in postrema hac disputationis parte maior sese obijciat rerum varietas ac moles quam vt mihi ad eas digerendas tractandasque aut detur ocium, aut facultas suppetat & copias, malim equidem iners histrio postremum actum taciteurnitate transigere, quam quod hoc tempore præstare nequeam, impudenter aggredi. Id quod ed etiam libentius

F faciam,

## 42 DE ECCLESIASTICIS BARONII

faciam, quod in ipso Ecclesiasticorum Annalium cursu veritas acutè cernentibus sua se luce declarabit: ordo etiam; (vt spero) perspicuitas, cetera demùm omnia quæ ad exitum percenserebam, æquis rerum æstimatoribus non poterunt non probari. Illud tamen hac ego in re minime præteribo quod mihi quidem ad exitum properanti, ac veluti colophonem iudicio huic nostro, quale quale tandem illud sit, imponere cupienti, non inopportuum videri solet.

Ergo cum multa sæpè occurrebant mihi in huius translatione historiarum quæ probarem, tum verò illud quod nunquam satis de mirari ac suspicere, nullis unquam laudibus sat celebrare valeo. At quid hoc tandem? Illud, illud inquam, quod (vt spero) tibi Pinellè ornatissime probabitur vehementer. Existimaueram ipse aliquando, & nūc vehementer fallor, iurè optimo existimaueram, Authorem satis superque facturum fuisse muneri suo, si tum vtriusque fœderis volumina, tum Patrum atque aliorum quos sæpè recensuimus, scripta diligenter euoluisset, ac pro re nata ad Ecclesiasticos Annales texendos, acri interim iudicio adhibito, appositè retulisset. Verùm dum pergo legere, video illum obscenissimorum carmina pœtarum, detestandas Deorum vel potiùs Demonum imagines, superstitionis oraculorum responsas, idolomaniasque teterrimas, perditissimorum tyrannorum icones, lapides & monumenta Diæ manibus, siue (vt veriùs dicam) inferis monstris, dicata, historicos denique contaminatissimos atque acerrimos Christianæ fidei hostes, proferre. Ex quibus tamen, dum rem attentius adhuc considero, tam aptè multa & scitè elicit ac delibet ad Ecclesiasticæ historiæ vsum atque ad Christianorum mysteriorum veritatem illustrandam, vt ad eorū lectionem incredibili admiratione perculsus, tantum non obstupuerim. Et quidem, vt legeram aliquando nullum extare librum vsque adeò malum ex quo boni aliquid colligere haud liceat, putassem quidem Ouidios, Carullos,



callos, Martiales, et si plenissimos turpitudinis, (idem ferè de reliquis dixerim quæ recensebam) posse interdum prodesse ingenio, addo etiam aliquod commodum afferre vitæ: at ad sacrosancta Religionis mysteria intelligenda aditum patefacere aliquando posse, ne iuranti quidem vnquam credidissim. & tamen hoc ipsum Baronij industria perfectum, ac magna etiam cum illius laude & fidelium bono perfectum, video. Quæ cum ita sint, vel hinc licebit coniectare, immo verò tanquam ex perspicua veritatis nota perdiscere, quàm excellenti traditione ac rerum omnium studio & cognitione, Baroniana contineatur historia.

Hæc habui quæ inter assiduas occupationes succissiuis quibusdam horis de Ecclesiasticis Baronij Cardinalis Annalibus generatim ad te perscriberem. Aliàs fortasse si dabitur ocium, noua disputatione per secula ferè singula distinctè ac sigillatim persequar alia multa. Neque enim is sum ego, qui in tanta rerum varietate ac mole (id quod humanis in rebus euenire passim solet) non aliquando hæream ac dubitem: sæpè etiam interfui doctissimorum virorum sermonibus: qui in quibusdam (vt sit) non nihil dissentirent: memini insuper me varia legisse apud authores gratissimos, qui non rarò, nec contemnendis rationibus, in contrariam sententiam nos reuocare videantur: nec desunt multi qui, quasi stylus parùm pressus vel etiam nimis redundans sit, Atticam in eo siccitatem requirant: denique sunt non pauci qui non à legendo deterrentur solum, verum etiam magnopere verentur, ne quod Trogo, Liuius etiam fortasse, Dioni, aliisque nobilissimis historicis quibusdam accidit compendiorum iniuria, id & Baronio eueniat decursu temporis. Cum enim Iustini, Flori, aliorumque epitomis editis, Trogi ferè integri, Liuij maxima ex parte, aliorum multorum funditus, iactura facta sit, quid quæso de Baronio pertimiscendum non est, qui vnus iam iam plura Annalium monumentis consignauit, quàm Li-

Iam ita claudatur disputatio vt nonnulla etiam dubitentur quæ fortasse nouæ disputationi campum aperient.

# 44 DE ECCLESIASTICIS BARONII

uius; Dio, totidemque huius ordinis authores mandant, huius historiae? Sed his omnibus opportunè aliàs (ut spero) satisfaciàm: idque Authore ipso (quod non licuit, hæcenus) consulo. Qui sanè, si breui vnius atque alterius insequentis, seculi Annales vulgauerit, profectò (ut Regum facta, Imperij sese adiungerit historia) nouum nobis campum aperiet, in quem nostra excurrat oratio.

Tu verò Baroni Cardinalis Religiosissime, si forte vnamquam ad tuas manus peruenerit nostra hæc disputatio, sic habeto. Me quidem, dum ad tua hæc Annalium monumenta respicio, non posse industriam diligentiamque tuam non magnopere commendare, atque ingentes labores admirari quos in illis tot annos vel potius tot lustra fortiter pertulisti. Cum enim certam aliquam ac definitam artem seriò tractanti, grauissimi labores sint perferendi, ac desudandum, algendumque sæpè; quid quæso tibi contigerit necesse est cui omnia penè doctrinarum bonarumque artium studia tam seriò ac tanta circumspectione attingendâ fuerunt ac pertractanda? Quod si Antiqui summos ac propè immensos iudicabant eorum labores, qui non disco solum & luctas, sed cursu etiam, castu & saltu valerent, ac digni tandem essent qui πάνταθλοι dicerentur, quid tandem fatendum nobis de te erit, quem, ut muneri pro dignitate satisficeret, multiplici humanarum diuinarumque doctrinarum cognitione, vel aduersariorum testimonio, imbutum esse oportuit? Ego sanè, dum hæc tecum ipse attentius reputo, te non dicam πάνταθλοι nostrorum temporum, sed πάνταθλοι appellandum esse iudicauerim. Sed tamen, dum ab huiusmodi laboribus atque vigilijs auocare animum nitor, ac mentem attollo altiùs, facile in eam sententiam venio, ut existimem hoc opus (quod ne tu quidem inficiaris) non tam laborantis esse & currentis, quàm miserentis Dei: nec tam illius qui plantat ac rigat industria, quàm eius qui incrementum dat, benignitate extitisse: denique (ut me se-

mel explicem) nihil planè esse cur in eo gloriatur omnis  
 caro. Cum enim operosissimæ huius molis fundamenta per  
 te priùs iacta essent, quàm de illa construenda cogitares,  
 immo verò iam parietes attollerentur, nec tu de ædificatio-  
 ne omnino deliberares, quis non diuini architecti consi-  
 lium agnoscat ac sapientiam, qui per te propè inscium no-  
 ua Ecclesiæ præsidia exædificare constituerat? Nec aliò  
 sanè Amplissimorum quorundam Patrum, quorum autho-  
 ritas permagna erat in Dei Ecclesia, quin ipsiusmet Summi  
 Pontificis (nam Gregorio XIII. hortatore martyrum hi-  
 storiam aggressus, iecisti fundamenta Ecclesiasticorum An-  
 naliū) hortatus refero & quæstiones; Non aliò grauissi-  
 ma illius incitamenta, cuius authoritati ac voluntati tanto-  
 pere tribuebās, quæmque tibi vitæ moderatorem ac ducem  
 delegeras, quandoquidem in his omnibus eius mihi proui-  
 dentiam intueri videor atque consilium, quæ, vt attingit for-  
 titer suauiterque disponit omnia, per hos tanquam suæ vo-  
 luntatis interpretes & ministros, tuos conatus ac studia  
 dirigebat. Quid multa? CLEMENTIS cuius tibi pie-  
 tas & sapientia iandiu perspecta ac probata erat, accessit  
 authoritas. Is enim siue tuorum Annaliū pietate incen-  
 sus, siue fidelium vtilitate permotus, siue Ecclesiæ digni-  
 tate excitatus, quantopere semper hoc opus vrgeret & fla-  
 giraret, superuacuum est commemorare. Vt ego quidem,  
 si rerum nostrarum euentus coniectura aliqua prospicere,  
 vel certè de illis optimè sperare liceat, magnopere confi-  
 dam & sperem, non antea CLEMENTEM à nobis  
 demigraturum, quàm tu BARONI ILLVSTRIS-  
 SIME, tuos, vel potiùs nostros atque adeò Ecclesiæ, An-  
 nales absolueris. Vt nimirum absolutis atque perfectis,  
 CLEMENS illis vniuersis copiosè ac largiter benedi-  
 cat: atque Ecclesiæ quam vnice diligit, quemadmodum  
 sacrosancta vtriusque fœderis monumenta miro candore  
 illustrata, ita Ecclesiasticos Annales omnibus numeris ab-  
 solu-



24 DE ECCLESIASTICIS BARONII

solutos, perpetuum sui amoris monumentum, firmissimum  
fidei propugnaculum; nouum denique Urbis decus & or-  
namentum relinquat.

F I N I S.



R O M Æ.

Apud Impressores Camerales. M. D. XCVI.

FACTA A SUPERIORIBVS POTESTATE.

